



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
7-800

Xuv Xya – Cov Kev Ua Hauj Lwm Sab Nrauv

Kev Pab Fab Kev Tawm Tswv Yim

**7-811 Cov Kev Caum Qab
(xx/xx/23)**

I. Lub Hom Phiaj

Qhov kev nyab xeeb ntawm cov neeg ua hauj lwm, cov ntswv cuab ntawm zej tsoom, thiab tej tus neeg uas raug caum yog qhov tseem ceeb uas yuav tau ua zoo saib rau thaum txiav txim seb puas tsim nyog pib los sis ua txuas mus ntxiv qhov kev caum qab lawm.

Lub hom phiaj ntawm txoj cai no yog los ceev cia kev dawb huv ntawm lub neej thiab cov kev muaj cai thiab kev nyab xeeb ntawm txhua tus uas tau cuam tshuam rau qhov kev caum qab.

Txoj cai no piav qhia txog cov yam ntxwv thiab cov kev txwv uas tau cuam tshuam rau cov kev caum qab, thiab cov kev qhia meej tseeb txog cov kev lav ris rau cov neeg ua hauj lwm uas caum qab, cov neeg ua hauj lwm uas pab, thiab cov thawj coj saib xyuas hauj lwm, thaum tau cuam tshuam rau qhov kev caum qab.

II. Cov Ntsiab Lus Txhais

Kev Caum Qab: Thaum tus neeg ua hauj lwm caum (taug taw los sis caij tsheb kaum vab) tus neeg uas nrhiav kev khiav tawm ntawm lub chaw yuam siv kev cai lij choj.

Kev Cais Tus Khub: Thaum plam kev sib saib pom, ncuva sib nrug, los sis cov yam thaiv kev, ua rau cov khub yuav sib cais txog rau qib uas lawv tsis tuaj yeem sib pab tau kiag tam sim yog tias tsis sib ntsib.

Qhov Kev Ua Xyem Xyav Uas Muaj Zoo Laj Thawj: Qhov kev ua xyem xyav uas tau tshwm sim yam uas muaj zoo laj thawj los ntawm cov ntaub ntawv tseeb tiag tshwj xeeb, muaj lub hom phiaj, tuaj yeem piav qhia tau, uas tau coj los tov ua ke nrog rau tus neeg ua hauj lwm qhov kev cob qhia thiab kev paub, tias tus neeg ntawd tau ua, tab tom ua, los sis tab tom yuav ua phem.

III. Txoj Cai

A. Neeg Ua Hauj Lwm, Zej Zog, thiab Tus Neeg Raug Liam Li Kev Nyab Xeeb

1. Cov kev caum qab yog cov kev nqis tes ntawm tub ceev xwm uas muaj kev phom sij. Qhov kev nyab xeeb ntawm cov neeg ua hauj lwm, tus neeg uas xav tias muaj kev txhaum, thiab zej tsoom tsim nyog yog qhov tseem ceeb uas yuav tau ua zoo saib rau thaum txiav txim seb puas tsim nyog pib los sis ua txuas mus ntxiv qhov Kev Caum Qab

lawm. Cov neeg ua hauj lwm yuav tsum nco tseg tias kev ntes tus neeg uas xav tias muaj kev txhaum kiag tam sim ntawd yog tsis tseem ceeb npaum li qhov kev nyab xeeb ntawm lwm tus tswv cuab ntawm zej tsoom los sis cov neeg ua hauj lwm.

2. Thaum uas txiav txim tias yuav pib los sis ua txuas mus ntxiv qhov Kev Caum Qab, cov neeg ua hauj lwm yuav tsum luj xyuas txuas mus ntxiv lub hom phiaj ntawm qhov kev ntes tus(cov) neeg uas xav tias muaj kev txhaum nrog rau qhov kev pheej hmoo thiab qhov muaj feem tsim ua rau raug mob rau cov neeg ua hauj lwm, cov neeg saib, thiab cov neeg uas xav tias muaj kev txhaum. Cov neeg ua hauj lwm yuav tsum ua kev nqis tes yam uas muaj zoo laj thawj, uas saib raws li txhua qhov xwm txheej.

B. Yuav Tsum Muaj Qhov Tsim Nyog Txaus Los Liam

1. Cov neeg ua hauj lwm muaj feem koom tes Caum cov neeg uas raug liam yog lawv muaj qhov kev ntseeg txaus los liam tus neeg tias nws tau ua txhaum thaum uas muaj Qhov Kev Ua Xyem Xyav Uas Muaj Zoo Laj Thawj uas tseeg tias tus neeg uas xav tias muaj kev txhaum tau ua, tab tom ua, los sis tab tom yuav ua phem xwb (tshwj tsis yog cov xwm txheej uas tau hais tseg rau hauv qab raws li cov kev nqis tes uas raug txwv) thiab thaum cov neeg ua hauj lwm muaj kev ntseeg yam uas muaj zoo laj thawj tias yuav tsum muaj lub chaw yuam siv kev cai lij choj uas raug los ceev cia tus neeg uas xav tias muaj kev txhaum uas tseem ceeb tshaj li qhov kev tso hem thawj rau kev nyab xeeb uas tau tshwm sim los ntawm kev caum.
2. Tus neeg ua hauj lwm yuav **tsis** ua qhov Kev Caum Qab uas tsuas saib raws li tus neeg ntawd qhov lus teb rau qhov tuaj tshwm ntawm tub ceev xwm, uas suav nrog tus neeg ntawd li kev zam kev sib txuas lus nrog rau tus neeg ua hauj lwm (xws li, kev taug kev tawm mus, kev tsis kam los sib tham, kev kiav tawm, los sis kev lug kev txhawm rau zam kev sib txuas lus). Tej zaum cov tib neeg yuav zam kev sib txuas lus nrog rau tus neeg ua hauj lwm rau ntau cov laj thawj dhau ntawm kev muaj kev koom tes nrog rau qhov kev ua ub ua no fab kev ua phem.
 - a. Tus neeg ntawd qhov kev khiav tawm nkaus xwb yuav tsis raug siv los ua laj thawj rau kev koom nrog qhov Kev Caum Qab. Txwv tsis pub cov neeg ua hauj lwm saib raws li qhov kev lav kom nres uas kev tshawb xyuas uas cuam tshuam rau tus neeg ntawd qhov kev tsis kam nres vim yog muaj tub ceev xwm xwb, xws li tus neeg ntawd qhov kev zam tsis kam sib txuas lus nrog rau tus neeg ua hauj lwm los sis khiav tawm (P&P 9-200).
 - b. Yog ua tau raws li txojcai no, ces tej zaum tus neeg ua hauj lwm yuav tau Caum Qab los tau thaum paub tias tus neeg ntawd nyob rau qhov chaw uas yeej ib txwm muaj qee qhov ua muaj neeg ua txhaum Okhiav tawm, uas tsis muaj neeg tab, ntawm tub ceev xwm thiab tus tub ceevxwm thiaj muaj qhov tsim nyog txaus los liam uas nteeg tias yog tus neeg ntawd khiav ces nws muaj feem muaj kev koom nrog yam kev ua txhaum uas tshwm sim nyob rau hauv qhov chaw ntawd.

- i. Nyob rau xwm txheej no, tus neeg ua hauj lwm yuav tsum piav qhia qhov tseeb tiag tshwj xeeb uas tsim tau los muaj qhov tsim nyog txaus los liam , uas suav nrog qhov tias tus neeg ntawd qhov kev khiav tawm uas tsis muaj kev dag ntxias tau sib txuas li cas nrog rau lawv qhov kev koom nrog hom kev ua ub ua no fab kev ua phem uas tau ua xyem xyav uas tshwm sim nyob rau hauv qhov chaw ntawd.

Cov piv txwv ntawm cov ntaub ntawv tseeb tiag uas tej zaum tsim qhov kev sib txuas ncu ntawm tus neeg qhov kev khiav tawm uas tsis muaj kev dag ntxias thiab hom kev ua ub ua no fab kev ua phem uas tshwm sim nyob rau hauv qhov chaw muaj xws li:

- Tus neeg ua hauj lwm tsom kwm saib tus neeg uas tab tom ua cov kev nqis tes uas raug raws li qhov kev tsim qhov kev ua phem tshwj xeeb uas tshwm sim nyob rau hauv qhov chaw ntawd.
 - Tus neeg ua hauj lwm muaj kev paub ntiag tug tias tus neeg ntawd tau ua phem nyob rau yav tag los.
 - Tus neeg ua hauj lwm muaj kev paub ntiag tug tias tsis ntev los no tau muaj kev hu thov kev pab cuam hais txog qhov kev ua phem tshwj xeeb ntawd uas tau tshwm sim nyob rau hauv qhov chaw ntawd.
- ii. Cov neeg ua hauj lwm yuav zam kev siv cov soj lus dav, cov soj lus uas tau muaj tseg ua ntej lawm xws li "cheeb tsam muaj kev ua phem ntau" thaum uas qhia cov laj thawj rau Cov Kev Caum Qab thiab Cov Kev Lav Tsheb Ua Kev Tshawb Xyuas (P&P 9-200).
 - iii. Txwv tsis pub cov neeg ua hauj lwm txhob txwm dag los sis nrhiav hauv kev los dag kom khiav tawm txhawm rau kom muaj laj thawj rau qhov Kev Lav Tsheb Ua Kev Tshawb Xyuas los sis qhov Kev Caum Qab. Piv txwv, tej zaum tus neeg ua hauj lwm yuav tsis tsav tsheb uas ceev mus rau ntawm pab pawg neeg uas tau sib sau nyob ua ke nyob rau ntawm lub ces kaum, tsuj npej, thiab tawm tsheb ceev uas muaj lub hom phiaj yuav lav tej tus neeg nyob rau hauv pab pawg neeg uas khiav tawm.

C. Kev Saib Xyuas thiab Kev Xaus qhov Kev Caum Qab

Thaum muaj lus txib ncaj raim los ntawm tus thawj coj saib xyuas tias kom xaus qhov Kev Caum Qab, qhov lus txib uas hais los ntawd yuav xam tias yog qhov lus txib yuam siv thiab yuav tsum tau tso tseg qhov kev caum.

D. Kev Siv Dag Zog

1. Cov neeg ua hauj lwm yuav tsum siv cov tswv yim uas tau piav qhia rau hauv qab txhawm rau zam kev siv dag zog yam uas tsis muaj kev tsim nyog los sis ntau dhau lawm nyob rau ncu sij hawm los sis nyob rau thaum kawg ntawm qhov Kev Caum Qab.

2. Thaum xaus qhov Kev Caum Qab txhom tus neeg uas xav tias muaj kev txhaum, txwv tsis pub siv dag zog los rau txim rau cov neeg uas khiav tawm, tawm tsam qhov kev ntes, los sis ua phem rau tus neeg ua hauj lwm (saib raws li P&P 5-301).

IV. Cov Txheej Txheem/Cov Kev Cai

A. Cov Yam Ntxwv Rau Kev Caum Qab

1. Kev txhaum loj

- a. Txawm tias Cov Kev Caum Qab tso cai thaum Muaj Qhov Tsim Nyog Txaus Los Liam raws li tau piav qhia saum toj xwb los, vam tias cov neeg ua hauj lwm yuav luj xyuas qhov loj ntawm kev ua txhaum nrog rau qhov yuav tsum tau ntes kiag tam sim ntawd thiab qhov yuav tau ua zoo saib rau ntawm tus neeg ua hauj lwm thiab zej tsoom li kev nyab xeeb.

Piv txwv, qhov yuav tsum tau ntes tus tub sab nyiag khoom hauv khw tam sim ntawd tej zaum kuj yuav yog teeb meem me, thaum uas qhov yuav tsum tau coj tus neeg uas xav tias yog tus neeg muaj kev txhaum uas yog tus tub sab muaj riam phom txeeb tshab mus rau ntawm qhov kev taug xyuas kev ncaj ncees yog qhov tseem ceeb tshaj uas yuav cia lawv tsim kev phom sij rau zej tsoom.

- b. Cov neeg ua hauj lwm yuav **tsis** koom nrog qhov Kev Caum Qab rau cov kev txhaum txuas mus no:
 - Cov kev yuam cai kev nyob hmo ntuj lig
 - Cov kev yuam cai uas yog kev hais ub hais no
 - Cov kev yuam cai uas tsis raug ntes

2. Kev txiav txim caum qab

- a. Kev txiav txim uas yuav pib los sis ua txuas mus ntxiv qhov Kev Caum Qab yog qhov kev txiav txim uas tus neeg ua hauj lwm yuav tsum ua kom ceev thiab raws li cov xwm txheej uas tsis tuaj yeem khwv yees tau thiab cov xwm txheej uas tsis nres. Yeej paub lawm tias tej zaum Cov Kev Caum Qab yuav tsim ua rau cov neeg ua hauj lwm thiab zej tsoom muaj kev pheej hmoo siab.
 - i. Tej qhov kev ua xyem xyav los ntawm cov neeg ua hauj lwm uas koom nrog los sis lawv cov thawj coj saib xyuas hauj lwm uas cuam tshuam txog kev nyab xeeb uas xam tag nrho ntawm tej qhov Kev Caum Qab yuav raug txiav txim raws li nyiam ntawm kev sib txuas lus, kev lis hauj lwm, kev zov, thiab kev ceev cia.
 - ii. Tsis muaj tus neeg ua hauj lwm los sis tus thawj coj saib xyuas hauj lwm twg yuav raug cem los sis raug qhuab qhia rau qhov kev txiav txim uas tsis koom nrog qhov Kev Caum Qab los sis kev tawm lus txib xaus qhov kev caum txuas mus ntxiv uas saib raws li qhov kev ntsuam xyuas uas muaj zoo laj thawj ntawm qhov

kev pheej hmoo uas tau paub rau tus neeg ua hauj lwm thiab cov uas lawv muaj kev ntseeg siab los muab kev pab cuam rau.

- b. Qhov kev txiav txim uas yuav pib los sis ua txuas mus ntxiv qhov Kev Caum Qab yuav tsum tau txais kev rov ntsuam xyuas dua yam tsis tu ncuu raws li cov xwm txheej uas tau muaj nyob rau lub sij hawm ntawd, uas suav nrog qhov tias Muaj Qhov Tsim Nyog Txuas Los Liam tseem muaj los sis tsis muaj lawm.
3. Kev phom sij rau zej tsoom los sis cov neeg ua hauj lwm
 - a. Tus neeg ua hauj lwm yuav tsis pib los sis ua txuas mus ntxiv qhov Kev Caum Qab yog tias tus neeg ua hauj lwm ntseeg tau yam uas muaj zoo laj thawj tias qhov kev phom sij rau zej tsoom los sis cov neeg ua hauj lwm muaj ntau tshaj li lub hom phiaj kev ntes kiag tam sim ntawd.
 - b. Tus neeg ua hauj lwm yuav tsis ua txuas mus ntxiv qhov Kev Caum Qab yog tias tus neeg ua hauj lwm paub txog cov xwm txheej uas tshwm sim yam uas xav tsis txog uas tsim ua rau muaj kev pheej hmoo ntxiv rau cov neeg ua hauj lwm los sis zej tsoom yam uas tsis tsim nyog.
 4. Paub Meej Yog Leejtwg Lawm

Tus neeg ua hauj lwm yuav tsis pib los sis ua txuas mus ntxiv qhov Kev Caum Qab yog tias muaj qhov kev qhia paub txog tus neeg uas xav tias muaj kev txhaum los sis muaj lwm cov ntaub ntawv uas yuav pab ua rau ntes tau tus neeg uas xav tias muaj kev txhaum ntawd nyob rau tom qab, thiab pom muaj zoo laj thawj tias yuav tsis muaj kev tso hem thawj tam sim ntawd rau cov neeg ua hauj lwm los sis zej tsoom yog tias tsis ntes tus neeg uas xav tias muaj kev txhaum kiag tam sim ntawd.
 5. Qhov khoom tau poob

Tus neeg ua hauj lwm yuav tsis pib los sis ua txuas mus ntxiv qhov Kev Caum Qab yog tias tus neeg ua hauj lwm paub tias tau muab lawv rab phom, lub xov tooj cua, los sis lwm yam khoom tseem ceeb ua poob lawm uas tej zaum yuav tsim ua rau muaj kev phom sij rau tus neeg ua hauj lwm los sis zej tsoom yog tias lwm tus neeg khaws tau.
 6. Plam kev sib txuas lus

Tus neeg ua hauj lwm yuav tsis pib los sis uas txuas mus txiv qhov Kev Caum Qab yog tias tus neeg ua hauj lwm tsis tuaj yeem los - los sis plam lub peev xwm los txuas lus tam sim ntawd los sis txuas lus yam uas tau zoo nrog rau tus neeg xa xov los sis lwm cov neeg ua hauj lwm.

7. Cov kev raug mob

- a. Tus neeg ua hauj lwm yuav tsis ua txuas mus ntxiv qhov Kev Caum Qab yog tias lawv raug mob lawm thiab tsis tuaj yeem ua tau txuas mus ntxiv qhov Kev Caum Qab yam uas muaj kev nyab xeeb.
- b. Tus neeg ua hauj lwm yuav tsis ua txuas mus ntxiv qhov Kev Caum Qab yog tias tus neeg thib peb raug mob lawm thiab yuav tsum tau muaj kev pab fab kev kho mob tam sim ntawd uas tsis tuaj yeem muab tau los ntawm lwm cov neeg ua hauj lwm nyob ntawm qhov chaw uas muaj xwm txheej los sis tus neeg ua hauj lwm fab kev kho mob pab thaum muaj xwm txheej ceev.

8. Tsis paub qhov chaw

Tus neeg ua hauj lwm yuav tsis pib los sis uas txuas mus txiv qhov Kev Caum Qab yog tias tus neeg ua hauj lwm tsis paub lawv qhov chaw tam sim no los sis tsis tuaj yeem muab tau qhov chaw rau cov chaw pab txhawb txhawm rau muab kev pab.

9. Muaj coob leej neeg uas xav tias muaj kev txhaum

- a. Tus neeg ua hauj lwm yuav tsum tsis pib los sis ua txuas mus ntxiv qhov Kev Caum Qab yog tias ua kev nqis tes ib leeg thiab qhov kev caum tsim ua rau los sis yuav tsim ua rau tus neeg ua hauj lwm caum cov neeg uas xav tias muaj kev txhaum ob leeg los sis coob tshaj ob leej thooj txhij.
- b. Yog tias muaj ob leej neeg ua hauj lwm caum ob leej los sis coob tshaj ob leej neeg uas xav tias muaj kev txhaum thiab cov neeg uas xav tias muaj kev txhaum nyias khiav nyias ib seem kev, ces ob leej neeg ua hauj lwm tsis tsim nyog sib cais thiab tsim nyog los caum ib leej neeg uas xav tias muaj kev txhaum lawm xwb.
- c. Yog tias muaj ob leej neeg los sis coob tshaj ob leej neeg ua hauj lwm ceev tau cov neeg uas xav tias muaj kev txhaum ntau leej lawm thiab muaj ib tug neeg uas xav tias muaj kev txhaum khiav lawm, ces tus neeg ua hauj lwm tsis tsim nyog yuav caum tus neeg uas xav tias muaj kev txhaum uas khiav lawm yog tias cov neeg uas xav tias muaj kev txhaum uas ceev tau coob tshaj li los sis yuav coob tshaj li cov neeg ua hauj lwm uas nyob nrog lawv.

10. Tus neeg uas xav tias muaj kev txhaum nkag mus rau hauv lub chaw los sis cheeb tsam kaw neeg los sis cais cia nyob ib leeg

- a. Nyob rau xwm txheej uas tus neeg uas xav tias muaj kev txhaum nkag mus rau hauv lub tuam tsev, lub tsev, lub chaw kaw neeg, cheeb tsam muaj ntoo los sis cheeb tsam cais cia nyob ib leeg, los sis cheeb tsam muaj hav fab los sis mus nyuaj, tus neeg ua hauj lwm uas caum tsim nyog tsim nyog yuav tau ua zoo saib rau kev tso tseg Kev Caum Qab txuas mus ntxiv thiab sib koom tes ua qhov kev ceev cia uas tos cov peev txheej tuaj txog kom txaus.

- b. Yog tias yuav ua qhov Kev Caum Qab txuas mus ntxiv, ces tus neeg ua hauj lwm yuav tau ntsuam xyuas qhov xwm txheej, ceeb toom rau tub ceev xwm xa xov ntawm lawv qhov chaw thiab txiav txim seb puas tos kom cov tswv cuab muab kev pab thiab tus thawj coj siab xyuas hauj lwm tuaj txog kom paub ciam dej ciam av ib ncig ntawm cheeb tsam.
- c. Yuav hais SWAT txhua lub sijhawm rau tej xwm txheej uas ntseeg tias tus neeg raug liam muaj cuabyeej thiab tau siv txoj hauv kev tiv thaiv uas txhais tau tiastus neeg ntawv muaj chaw nraim nws lawm.

11. Cov xwm txheej uas muaj kev pheej hmoo siab zog

Cov neeg ua hauj lwm tsim nyog yuav tau ua zoo saib rau lwm cov hauv kev xaiv uas yuav koom nrog los sis ua txuas mus ntxiv qhov Kev Caum Qab nyob rau cov xwm txheej txuas mus no, uas tsim ua rau muaj kev pheej hmoo siab tshwj xeeb rau cov neeg ua hauj lwm thiab zej tsoom:

- a. Tus neeg ua hauj lwm ua kev nqis tes ib leeg.
- b. Ob leej neeg ua haujlwm lossis coob tshaj raug sib cais, plam kev sib saib pom, los sis tej yam uas cais deb dhau uas lawv sib pab tsis tau tamsim ntawm kiag yog muaj dabtsi tshwmsim. Nyob rau hauv cov xwm txheej uas hais los ntawd, raws li ncua dav lawm xav kom ib tug neeg ua hauj lwm ntsia tus neeg uas xav tias muaj kev txhaum twj ywm nyob rau ncua sib nrug deb kom muaj kev nyab xeeb thiab sib koom tes ua qhov kev ceev cia.
- c. Tus yam ntxwv fab lub cev ntaj ntsug los sis qhov loj me ntawm tus neeg ua hauj lwm uas cuam tshuam rau tus neeg uas xav tias muaj kev txhaum tsim ua rau lawv tsis tuaj yeem tswj tau tus neeg uas xav tias muaj kev txhaum yog tias tau ntes.
- d. Pom tseeb tias tus neeg uas raug caum muaj riam phom.
- e. Tsis paub tus neeg uas xav tias muaj kev txhaum qhov chaw mus ntxiv lawm.
- f. Tus neeg ua hauj lwm lub peev xwm ua qhov Kev Caum Qab txuas mus ntxiv yam uas muaj kev nyab xeeb muaj tsawg zuj zus los ntawm kev muaj huab cua tsis zoo, tsaus ntuj, los sis lwm cov yam ntxwv fab huab cua ib puag ncig, xws li toj roob hauv pes ntxhab, cov khoom uas muaj kev phom sij, cov pawg khib nyiab, thiab lwm yam.
- g. Qhov kev muaj tsheb khiav mus los nyob rau hauv cheeb tsam ntawm qhov kev caum thiab qhov kev pheej hmoo tsoo lub tsheb muaj xwm txheej ceev los ntawm cov neeg ua hauj lwm txhab ntxiv uas tsim cov kev txhawj xeeb fab kev nyab xeeb.
- h. Thaum cov neeg ua hauj lwm uas tau cuam tshuam qhia tsis tau tias yog MPD cov tub ceev xwm.

B. Lwm Cov Hauv Kev Xaiv Rau Qhov Kev Caum Qab

Raws li ncuav dav lawm qhov kev zov thiab kev ceev cia yog cov tswv yim uas muaj kev nyab xeeb tshaj plaws rau kev ntes cov neeg uas khiav lawm. Nyob rau hauv qhov kev txiav txim tias seb puas pib los sis puas ua txuas mus ntxiv qhov Kev Caum Qab lawm, cov neeg ua hauj lwm tsim nyog ua zoo saib rau cov hauv kev xaiv uas muaj zoo laj thawm txuas mus ntxiv uas saib raws li cov xwm txheej thiab cov peev txheej uas muaj, xws li:

1. Kev ceev cia ntawm cheeb tsam
2. Kev muaj cov neeg ua hauj lwm yuam siv kev cai lij choj nyob coob rau hauv cheeb tsam, uas suav nrog kev pab los ntawm lwm lub chaw sawv cev.
3. Kev tshawb nrhiav uas siv aub (P&P 7-807).
4. Kev thajj duab kub txias los sis lwm yam tshuab uas xoo tau kev txav mus los.
5. Kev pab txhawb fab huab cua
6. Kev ntes nyob rau lwm lub sij hawm thaum uas paub txog qhov kev qhia tus kheej ntawm tus neeg uas xav tias muaj kev txhaum los sis muaj cov ntaub ntawv uas yuav pab ua rau ntes tau tuaj tom qab, thiab pom tias qhov yuav tsum tau ntes tus neeg uas xav tias muaj kev txhaum tam sim ntawd tsis muaj kev tsim nyog ntau npaum li qhov kev pheej hmoo ntawm kev ua txuas mus ntxiv qhov Kev Caum Qab.

C. Cov Txheej Txheem Rau Cov Neeg Ua Hauj Lwm Uas Caum

1. Kev Qhib Siv BWC

Cov neeg ua hauj lwm uas pib los sis koom nrog qhov Kev Caum Qab yuav tsum tau ua kom ntseeg siab tias lawv lub Koob Thajj Nruab Rau Ntawm Lub Cev (Body Worn Camera, BWC) qhib siv lawm uas saib raws li P&P 4-213 thiab tseem qhib siv nyob rau thoob plaws ncuav sij hawm ntawm qhov Kev Caum Qab.

2. Lub luag hauj lwm rau kev koom tes

Tshwj tsis yog tias lwm tus neeg ua hauj lwm los sis tus thawj coj saib xyuas hauj lwm hais kom tsum, ces tus neeg ua hauj lwm uas pib yuav muaj lub luag hauj lwm rau kev koom tes nrog rau qhov kev nce qib ntawm qhov kev caum thiab kev ceev cia.

3. Zam kev caum tus neeg uas xav tias muaj kev txhaum thaum ib leeg

Thaum ua kev nqis tes ib leeg thiab thaum ua tau, tus neeg ua hauj lwm uas pib tsis tsim nyog caum thiab ntsib tus neeg uas xav tias muaj kev txhaum, tab sis tsim nyog soj saib kom pom tus neeg uas xav tias muaj kev txhaum kom txog thaum muaj neeg ua hauj lwm coob txaus uas yuav ntes tus neeg uas xav tias muaj kev txhaum tau yam uas muaj kev nyab xeeb.

4. Kev sib txuas lus

Kev sib txuas lus thaum tseem ntxov txog cov ntaub ntawv uas muaj yog qhov uas tseem ceeb.

- a. Cov neeg ua hauj lwm uas koom nrog qhov Kev Caum Qab yuav tsum pib kev tshaj tawm saum huab cua ntawm xov tooj cua nyob rau hauv thawj ob peb xis nkoos txhawm rau ua kom ntseeg siab tias muaj kev sib koom tes thiab muaj kev siv cov peev txheej ntau ntxaus los pab thiab saib xyuas qhov kev caum kom thaum kawg muaj kev nyab xeeb.
 - i. Qhov kev tshaj tawm saum huab cua yuav muaj cov ntaub ntawv txuas mus no, nyob rau qib qis:
 - aa. Qhov chaw thiab seem kev uas khiav mus.
 - ab. Qhov qhia chaw/lub cim kev hu xov tooj.
 - ac. Lub laj thawj rau qhov Kev Caum Qab, xws li hom xwm txheej kev ua phem.
 - ad. Qhov coob ntawm cov neeg uas xav tias muaj kev txhaum thiab kev piav qhia fab lub cev ntaj ntsug, uas suav nrog lub npe yog tias paub.
 - ae. Seb puas paub tus neeg uas xav tias muaj kev txhaum los sis puas ntseeg tias muaj riam phom uas muaj kev phom sij.
 - ii. Yog tias tsis yog cov xwm txheej ceev, tej tus neeg ua hauj lwm uas tsis tuaj yeem tshaj tawm tau rau saum huab cua tam sim ntawd thiab tshaj tawm tau zoo hais txog cov ntaub ntawv no tsim nyog xaus qhov Kev Caum Qab.
- b. Cov neeg ua hauj lwm tsim nyog nco ntsoov tias cov kev sib xa xov hauv xov tooj cua uas tau ua thaum khiav tej zaum yuav nkag siab nyuaj thiab tej zaum yuav tau rov hais dua ob peb lwm.
- c. Thaum twg los xij uas muaj tej tus neeg ua hauj lwm tshaj tawm tias lawv tau koom nrog qhov Kev Caum Qab, txhua tus neeg ua hauj lwm tsim nyog txo cov kev xa xov hauv xov tooj cua uas tsis muaj kev tsim nyog txhawm rau ua kom tus neeg ua hauj lwm uas tau cuam tshuam muaj kev nkag mus siv tau cov kev sib txuas lus hauv xov tooj cua ntau ntxiv.

5. Kev cais tus khub

- a. Cov khub tsis tsim nyog sib cais thiab tsim nyog yuav tsum sib ntsia pom thiab ceev cia cov kev sib txuas lus.
- b. Kev Cais Tus Khub tsim nyog raug siv thaum muaj kev tsim nyog txhawm rau pov thaiv zej tsoom los sis cov neeg ua hauj lwm los ntawm qhov kev phom sij uas yuav

tshwm sim, vim nws yog qhov kev phom sij rau cov neeg ua hauj lwm thiab zej tsoom.

- i. Kev cais tus khub tuaj yeem muaj feem cuam tshuam tsis zoo rau qhov kev nyab xeeb ntawm cov neeg ua hauj lwm uas plam lawv lub peev xwm sib pab los sis sib txuas lus tau zoo nrog lwm tus.
- ii. Dhau li no lawm nws kuj tsim ua rau muaj kev pheej hmoo ntxiv uas cov neeg ua hauj lwm los sis cov pej xeem neeg uas yog neeg dawb huv yuav raug tua yuam kev.

6. Cov neeg ua hauj lwm uas pab

- a. Cov neeg ua hauj lwm uas pab yuav tsum pab nyob rau tus yam ntxwv uas muaj kev nyab xeeb, thiab ua lub luag hauj lwm yam tsis tu ncuu nyob rau hauv qhov kev ntes tus neeg uas xav tias muaj kev txhaum los ntawm kev pab tus neeg uas hauj lwm uas pib.
- b. Cov neeg ua hauj lwm uas pab tsim nyog pab ua kom tus neeg ua hauj lwm xub thawj tsum kwm rau tus neeg uas xav tias muaj kev txhaum cov kev nqis tes thaum uas tus neeg ua hauj lwm thib ob muab kev faj seeb thiab ceev kev sib txuas lus nrog rau neeg ua hauj lwm xov tooj cua tub ceev xwm thiab lwm cov neeg ua hauj lwm uas muab kev pab.

7. Kev Caum Qab Uas Tau Tso Tseg

Yog tias muaj kev tso tseg Kev Caum Qab vim tej lub laj thawj twg, ces tsim nyog muaj kev ua zoo ceev cia tam sim ntawd thiab ua zoo saib rau lwm cov hauv kev xaiv uas saib raws li cov xwm txheej thiab cov chaw muaj ntaub ntawv uas muaj.

8. Kev Xaus qhov Kev Caum Qab

- a. Thaum qhov Kev Caum Qab xaus, cov neeg ua hauj lwm yuav tsum tsis siv dag zog ntau tshaj li muaj kev tsim nyog los ntes tus neeg uas xav tias muaj kev txhaum.
- b. Thaum qhov Kev Caum Qab xaus, tus neeg ua hauj lwm yuav tau ceeb toom rau tus neeg xa xov hais txog lawv qhov chaw thiab qhov kev saib xyuas qhov kev xaus Kev Caum Qab (xws li, txhom tau tus neeg uas raug liam, Tsis pom tus neeg uas raug liam lawm).
- c. Tus neeg ua hauj lwm yuav txib kom ua cov kev nqis tes ntxiv raws li pom tias muaj kev tsim nyog, uas suav nrog kev thov qhov kev pab fab kev kho mob uas yuav tsum tau muaj rau cov neeg ua hauj lwm, cov neeg uas xav tias muaj kev txhaum, los sis lwm cov neeg.

D. Tus Thawj Coj Saib Xyuas Hauj Lwm Cov Luag Hauj Lwm

1. Los Tuav Txoj Dejnum Txib Neeg

- a. Thaum paub txog qhov Kev Caum Qab, tus thawj coj saib xyuas hauj lwm yuav ua txhua txoj hauv kev los mus nrhiav kom tau ntaub ntawv txaus rau cov peev txheej uas muab kev pab ncaj nraim thiab tawm lus txib, tswj, thiab koom tes nrog rau qhov Kev Caum Qab.
- b. Feem ntau lawm kev saib xyuas Cov Kev Caum Qab yog yam uas nyuaj vim yog lawv ncuaj sij hawm luv thiab nyuaj uas cov neeg ua hauj lwm yuav sib tham tau nrog tus thawj coj saib xyuas hauj lwm nyob rau hauv xov tooj cua thaum uas khiav. Cov thawj coj saib xyuas hauj lwm yuav ua zoo ua kev saib xyuas yam uas muaj kev ncaj ncees raws li cov xwm txheej kev cov nyom no.

2. Muab kev pab rau cheeb tsam ntawv rau thaum tabtom caum

- a. Cov thawj coj saib xyuas hauj lwm yuav muab kev pab rau cheeb tsam thaum twg los xij uas ua tau.
- b. Txawm li cas los xij, tus thawj coj saib xyuas hauj lwm tsis tas yuav tuaj tshwm ntsej tshwm muag txhawm rau tswj qhov Kev Caum Qab. Tus thawj coj saib xyuas hauj lwm yuav ntsuam xyuas qhov xwm txheej yam tsis tu ncuaj txhawm rau ua kom ntseeg siab tias tau ua qhov Kev Caum Qab raws li Lub Tuam Tsev Hauj Lwm cov cai ua tau teeb tseg lawm.

3. Xaus qhov Kev Caum Qab

Cov thawj coj saib xyuas hauj lwm yuav xaus qhov Kev Caum Qab thaum:

- a. Nws pom muaj zoo laj thawj tias qhov kev caum qab tu ncuaj lub hom phiaj uas raug raws li kev cai lij choj los sis tsis tau txais kev pab txhawb los ntawm Muaj Qhov Tsim Nyog Txaus Los Liam (xws li, cov xwm txheej kev qhia tus kheej yuam kev uas tus neeg uas xav tias muaj kev txhaum tseeb tiag raug ntes nyob rau lwm qhov chaw).
- b. Qhov kev phom sij rau cov neeg ua hauj lwm uas caum los sis zej tsoom uas pom tias muaj ntau tshaj li lub hom phiaj kev ntes tus neeg uas xav tias muaj kev txhaum kiag tam sim ntawd yam uas tsis muaj kev tsim nyog.
- c. Qhov kev caum tsis ua mus raws li txoj cai no.

4. Kev pab tom qab kev ntes tus neeg uas xav tias muaj kev txhaum.

- a. Thaum ntes tau tus neeg uas xav tias muaj kev txhaum, tus thawj coj saib xyuas hauj lwm yuav mus rau ntawm qhov chaw xaus tam sim ntawd txhawm rau txib hauj lwm qhov kev ua ub ua no tom qab-Kev Caum Qab.

- b. Thaum tuaj txog rau ntawm qhov chaw muaj xwm txheej, tus thawj coj saib xyuas hauj lwm yuav ntsuam xyuas cov kev raug mob rau cov neeg uas raug kev ua phem, cov neeg sawv saib, cov neeg ua hauj lwm, thiab cov neeg uas xav tias muaj kev txhaum. Yuav muaj kev sau tseg txhua cov kev raug mob.
- c. Yog tias muaj kev siv dag zog uas yuav tsum tau muaj kev ceeb toom (P&P 5-303), los sis muaj kev ua txhaum los sis raug iab liam (P&P 2-101), ces tus thawj coj saib xyuas hauj lwm yuav pib qhov kev tshawb xyuas uas yuav tsum tau muaj.
- d. Tus thawj coj saib xyuas hauj lwm yuav tshab xyuas qhov xwm txheej nrog rau cov neeg ua hauj lwm muab kev pab rau tej cov teeb meem uas cuam tshuam txog cov tswv yim los sis kev txhim kho kev ua hauj lwm. Tus thawj coj saib xyuas hauj lwm yuav tshab xyuas:
 - i. Cov duab BWC ntawm qhov xwm txheej los ntawm tus neeg ua hauj lwm uas pib thiab lwm cov neeg ua hauj lwm uas muab kev pab.
 - ii. Tej cov ntawv sau tshaj tawm uas tsim muaj los ntawm qhov xwm txheej.
 - iii. Lwm cov ntaub ntawv uas muaj uas cuam tshuam txog qhov xwm txheej.
- e. Tus thawj coj saib xyuas hauj lwm yuav ntsuam xyuas seb qhov Kev Caum Qab puas ua raws li txoj cai no. Tus thawj coj saib xyuas hauj lwm yuav ntsuam xyuas:
 - i. Seb puas muaj cov hwv tsam rau kev txo kev kub ntxhov los sis kev pov thaiv kev khiav tawm uas tau plam thiab tej cov tswv yim uas tej zaum yuav pab tau zoo.
 - ii. Seb, ncuaj sij hawm qhov kev caum, cov tswv yim twg uas tau siv yuav raug txhim kho.
 - iii. Seb puas muaj tej cov kev ua yuam kev, thiab yog tias muaj, tau daws cov kev ua yuam kev ntawd los sis muaj kev zam li cas nyob rau yav tom ntej (xws li, los ntawm kev cob qhia ntxiv, kev muab kev sab laj, los sis kawm los ntawm kev caum saib).

E. Kev Xa Xov Kev Sib Txuas Lus

Thaum muaj kev ceeb toom los sis paub tias qhov Kev Caum Qab muaj kev nce qib, tus neeg xa xov yuav:

1. Ntxuav tshooj xov tooj cua ntawm kev khiav tsheb mus los uas tsis yog xwm txheej ceev.
2. Koom tes nrog rau cov kev sib txuas lus caum qab ntawm cov neeg ua hauj lwm uas tau cuam tshuam.
3. Thov kev pab txhawb fab huab cua

4. Tso tawm cov kev hloov kho dua tshiab txog kev caum rau saum huab cua uas suav nrog lwm cov ntaub ntawv uas cuam tshuam raws li muaj kev tsim nyog.
5. Ua kom ntseeg siab tias tus thawj coj saib xyuas hauj lwm ntawm cheeb tsam tau txais kev ceeb toom qhia txog qhov Kev Caum Qab.
6. Ceeb toom thiab koom tes nrog lwm cov lossis koom nrog koomhaum uas tau raug feem cuam raws li qhov tsim nyog thiab kev ua tau.
7. Ceeb toom rau tus Lieutenant ntawm cheeb tsam kom sai li sai tau raws li tuaj yeem ua tau.

F. Cov Cai Teeb Tseg Rau Kev Tshaj Tawm

Cov neeg ua hauj lwm yuav sau tseg rau hauv Daim Ntawv Tshaj Tawm Ntawm Tub Ceev Xwm hais txog cov kev qhia meej tseeb uas cuam tshuam rau qhov Kev Caum Qab txuas mus no:

1. Muaj Qhov Tsim Nyog Txaus Los Liam los sis Lub Laj Thawj Uas Yuav Mus Taus rau tej cov kev txhaum.
2. Muaj Qhov Tsim Nyog Txaus Los Liam rau kev pib qhov Kev Caum Qab thiab lwm cov xwm txheej uas cuam tshuam rau qhov Kev Caum Qab.
3. Txoj kev los sis ncuva kev deb uas khwv yees ntawm qhov Kev Caum Qab.
4. Tej cov tsheb thiab cov neeg ua hauj lwm uas tau cuam tshuam.
5. Tej qhov kev siv dag zog twg.
6. Tej cov kev raug mob los sis kev kho mob uas tau muab los sis tau thov los ntawm tej tus neeg ua hauj lwm, tus neeg sawv saib los sis tus neeg uas xav tias muaj kev txhaum uas tau cuam tshuam rau qhov kev caum.
7. Tej qhov kev puas tsuaj rau khoom vaj tsev los sis khoom siv uas tau cuam tshuam rau qhov kev caum.